

PRIVREDNA/GOSPODARSKA KOMORA  
FEDERACIJE BOSNE I HERCEGOVINE

# Glasnik

Broj 157 januar/siječanj 2018. Godina XVI

ISSN 1840-0310




| *Retrospektiva 2017.*

ISSN 1840-0310



9 771840 031004



**PRIVREDNA/GOSPODARSKA KOMORA  
FEDERACIJE BOSNE I HERCEGOVINE**

CHAMBER OF ECONOMY OF THE FEDERATION OF BOSNIA AND HERZEGOVINA

**I M P R E S U M**

Glasnik  
Privredne/Gospodarske komore  
Federacije Bosne i Hercegovine  
Godina XVI  
januar/siječanj 2018.

GLASNIK uređuje  
Redakcijski kolegij:

Mirsad Jašarspahić dipl.ig.maš.  
dr.sci.Marko Šantić dipl.ecc.

Glavni urednik  
Amela Kečo dipl.prav.

Izvršni urednik  
Željko Raguž dipl.ecc.

Almin Mališević dipl.ing.maš.  
Erina Lasić dipl.ing.agr.

Adresa:  
Privredna/Gospodarska komora FBiH  
za Glasnik –  
Branislava Đurđeva 10/IV  
71000 Sarajevo  
Kontakt: [glasnik@kfbih.com](mailto:glasnik@kfbih.com)

Telefoni: 033 566 300, 217 782,036/332-963  
Fax: 033 217 783,036/332-966

[www.kfbih.com](http://www.kfbih.com)

Priprema i izdaje:  
Privredna/Gospodarska komora FBiH

*Riječ Urednika,*

*Uvaženi privrednici,*

Pred vama je prvo izdanje e-Glasnika u 2018.godini, koje tradicionalno pripada retrospektivi najznačajnijih aktivnosti iz prethodne poslovne godine.

Prethodna izdanja pune tri godine smo izdavali u elektronskoj formi, a sudeći po kritikama koje smo dobili od naših članica, partnera i prijatelja, sigurni smo da je odluka o novom obliku izdanja, bila prava.

Čast mi je i neizmjereno zadovoljstvo obratiti vam se u ulozi Glavnog urednika časopisa Privredne/Gospodarske komore F BiH e- Glasnika.

Iznimno zadovoljstvo je što smo u saradnji sa vama sve aktivnosti, zajedničke projekte i djelovanja pretočili u najljepši oblik – pisanu riječ.

Časopis Glasnik u kontinuitetu izlazi punih 19 godina, u kojem smo nastojali prezentirati najaktuelnije informacije o aktivnostima Komore F BiH.

Kroz ove godine, susretali smo se sa brojnim izazovima, od kojih mnogi nisu bili jednostavni, ali smo uspjeli da sačuvamo svoju kvalitetu i prepoznatljivost.

Kvaliteta našeg časopisa se ne ogleda u ekskluzivnoj tehničkoj obradi sadržaja, nego činjenici da sadržaj našeg Glasnika pripremaju uposlenici Privredne/Gospodarske komore F BiH, i to isključivo na temelju aktivnosti koje ste nam omogućili Vi, na čemu smo vam neizmjereno zahvalni.

Duboko svjesni naše odgovornosti i obaveze prema vama, ostat ćemo istrajni da sve naše aktivnosti i dalje prezentiramo na stranicama našeg e-Glasnika, slijedom dobre naslijeđene prakse uz usvajanje i primjenu modernih standarda.

U ime Redakcijskog kolegija i svih zaposlenih u Privrednoj/Gospodarskoj komori F BiH, zahvaljujem vam se na podršci i ukazanom povjerenju.

Naš cilj je da e-Glasnik, bude glasnik vaših pozitivnih poslovnih priča.

*Glavni urednik*

*Amela Kečo dipl.prav.*

# Osnovano Udruženje proizvođača, otkupljivača, prerađivača i izvoznika jagodičastog voća



U cilju okupljanja privrednih društava koja se bave proizvodnjom, otkupom, preradom i izvozom maline i drugog jagodičastog voća na području FBiH radi ostvarivanja zajedničkih ciljeva, kao i zaštite zajedničkih interesa, te zalaganje za očuvanje i zaštitu domaće proizvodnje 21.03.2017. godine je u prostorijama Privredne/Gospodarske komore FBiH održana Osnivačka skupština Udruženja proizvođača, otkupljivača, prerađivača i izvoznika jagodičastog voća.



# Potpisan memorandum o poslovno tehničkoj saradnji Privredne/Gospodarske komore F BiH i Komore sanitarnih inženjera F BiH

Polazeći od zajednički izraženog interesa i spremnosti da svojim aktivnostima u okviru zakonskih nadležnosti, doprinesu stvaranju i poboljšanju poslovnog ambijenta, kao i unaprjeđenju međusobne saradnje, potpredsjednik Privredne/Gospodarske komore Federacije BiH, Mirsad Jašarspahić zajedno sa predsjednikom Komore sanitarnih inženjera FBiH, gospodinom Amarom Ibruljom, u Sarajevu dana 20.01.2017. godine zaključio Memorandum o poslovno tehničkoj suradnji.

## *Potpisan sporazum o saradnji privredne/gospodarske komore F BiH i Poljoprivredne komore Mađarske*



PRIVREDNA/GOSPODARSKA KOMORA  
FEDERACIJE BOSNE I HERCEGOVINE  
CHAMBER OF ECONOMY OF THE FEDERATION OF BOSNIA AND HERZEGOVINA



U četvrtak, 13 aprila 2017.G.u Hotelu Hills na Ilidži, potpredsjednik P/G komore FBiH Mirsad Jašarspahić i predsjednik Poljoprivredne komore Mađarske Balazs Gyorffy, potpisali su Sporazum o saradnji između P/G komore FBiH i Poljoprivredne komore Mađarske.

## *U okviru poslovnog foruma BiH – UAE potpisan sporazum o saradnji P/G komore F BiH i Trgovačke i industrijske komore UMM Al Quwain/UAE*



U okviru poslovnog Forumu BiH – UAE koji je 08.05.2017. godine upriličen u VTK BiH, potpredsjednik P/G komore FBiH Mirsad Jašarspahić i potpredsjednik trgovačke komore Umm Al Quwain / UAE, gospodin Abdulla Khamis Alsuwaidi potpisali su Sporazum o saradnji između dvaju komora.

*Potpisan Memorandum o saradnji između  
Privredne/Gospodarske komore Federacije BiH i  
Privredne komore trgovine i industrije Bahreina (BCCI)*



U prostorijama Privredne/Gospodarske komore FBiH, 24.05.2017. godine je upriličena posjeta privredne delegacije Bahreina, koju je predvodila Privredna komora trgovine i industrije Bahreina (BCCI). Bosanskohercegovačku privredu su predstavljali predstavnici metalnog sektora, energetskog sektora, sektora halal industrije, sektora nekretnina i investicija, kako i predstavnik turističkog sektora.

U cilju uspostavljanja saradnje te radi promovisanja zajedničkih mogućnosti i interesa koji mogu uveliko doprinijeti ekonomskom razvoju ovih dviju zemalja, potpisan je Memorandum o saradnji između privrednih komora ovih zemalja.



*Nastavak uspješne suradnje :*

*Predsjednik Komore FBiH u posjeti tvrtki "Rimac automobili" d.o.o. Sveta Nedelja*



Privredna/Gospodarska komora FBiH u aktivnostima i projektima uživa veliku podršku svojih prijatelja i partnera. Jedna od vrlo uspješnih suradnji ostvarena je i na održanom 13. međunarodnom sajmu privrede u Tešnju sa tvrtkom "Rimac automobili d.o.o. Sveta Nedelja – Republika Hrvatska. U nastavku suradnje upriličena je posjeta predsjednika Komore Šantića tvrtki "Rimac automobili"

## Potpisan sporazum o suradnji između P/GK FBiH i Evropskog pokreta



Predsjednik Evropskog pokreta Predrag Praštalo i predsjednik Privredne/Gospodarske komore F BiH dr.sc. Marko Šantić 28. 7. 2017. g. potpisali su u Mostaru sporazum o suradnji u okviru procesa evropskih integracija BiH.

## Privredna komora F BiH na VIII konferenciji "regija za turizam, turizam za regiju" u Beogradu

Predstavnici Srbije i Bosne i Hercegovine na konferenciji koja je održana u Beogradu ocijenili su da zemlje u regionu zajedno mnogo privlačnija turistička destinacija.

Zemlje regiona vidljivije su zajedno, nego kada se predstavljaju pojedinačno poručeno je sa konferencije "Regija za turizam, turizam za regiju".

## P/GKFBiH na drugom međunarodnom simpoziju tekstilnog inženjstva i modnog dizajna TImod 2017



Privredna/Gospodarska komora Federacije BiH bila je partner "Drugog međunarodnog simpozija tekstilnog inženjstva i modnog dizajna TImod 2017", koji se održao od 27. do 29. januara 2017. godine u Travniku, a u organizaciji Fakulteta za tehničke studije, Univerziteta u Travniku.

## Privredna komora FBiH uzela učešće na TAIEKS seminaru "Podrška malim i srednjim preduzećima za pristup tržištu javnih nabavki u Evropi"



srednjim preduzećima za pristup tržištu javnih nabavki u Evropi".

Seminar u organizaciji Privredne komore Srbije održan u Beogradu 30. i 31. januara 2017. godine, bio je namenjen isključivo predstavnicima komorskog sistema Srbije i komora koji dolaze iz država koje učestvuju u radu Komorskog investicionog foruma.

Privredna komora FBiH je u okviru Komorskog investicionog foruma na poziv TAIEKS odjeljenja Evropske komisije uzela učešće na seminaru „Podrška malim i

## *Komora F BiH na Konferenciji KUPRES 2017.*

*I ove godine svojim temama okuplja sudionike iz oblasti šumarstva, drvne industrije i obnovljivih izvora energije. U periodu od 09.02.-10.02.2017. u Kupresu održana je konferencija u organizaciji Hercegbosanskih šuma uz suorganizaciju Hrvatskog drvnog klastera, Drvnog klastera Hercegovine, EUSTAFOR i dr. Glavna tema ove godine na konferenciji je obrazovanje, jer samo educirani i obučeni kadrovi mogu voditi šumarstvo i doprinijeti bržem pristupu BiH u EU integracije. Druge teme koje su bile na konferenciji su izazovi u šumarstvu, Inovacije u tehnologiji, opremi i transportu, EU programi finansiranje i politika, gospodarenje šumama, norme, standardi, certifikati...*

## *Održana stručna rasprava iz oblasti: RADNO – PRAVNOG ZAKONODAVSTVA U FBIH - Imlementacija preporuka iz Bijele knjige 2015/16 - Izazovi u praksi*

Vijeće stranih investitora i Privredna komora FBiH organizovali stručnu raspravu na temu radno-pravnog zakonodavstva u FBiH.



Nastavljajući aktivnosti na implementaciji preporuka iz Bijele knjige 2015/16 Vijeće stranih investitora BiH i Privredna komora FBiH danas su organizovali stručnu raspravu na temu radno-pravnog zakonodavstva u FBiH u Velikoj sali Vanjskotrgovinske komore BiH.

Pomenuta rasprava osmišljena je kao stručna diskusija između pozvanih predstavnika relevantnih institucija FBiH za problematiku radnog prava i predstavnika poslovne zajednice, tačnije članova VSI i članova Privredne komore FBiH.

## *Održane radionice Sarajevo Business Foruma u Banjaluci i Bihaću*



U organizaciji BBI VIP biznis kluba, Privredne komore Republike Srpske i Privredne komore Federacije BiH, te kantonalnih privrednih komora u Banjaluci i Bihaću, jučer i danas, održane su radionice za izradu projekata za predstojeći Sarajevo Business Forum 2017.

Stručnjaci BBI banke su prezentirali načine kako pripremiti projekte u formi prihvatljivoj za strane investitore, te su najavili održavanje SBF-a 22. i 23. maja u Sarajevu. Radionicama je prisustvovalo 60 privrednika iz ovih regija koji su izrazili interes za pronalaženje partnera i investitora.

## *Održana međunarodna konferencija Novi programi EU Fondovi za period 2014-2020 i instrumenti za pravilno korištenje istih”.*



Privredna/Gospodarska komora FBIH je u suradnji sa Gospodarskom komorom grada Chieti, Italija, na Mostarsku sajmu gospodarstva 05.04.2017.godine, organizirala i održala Međunarodnu konferenciju na temu „Novi programi EU Fondovi za period 2014-2020 i instrumenti za pravilno korištenje istih”.

Svrha konferencije je bila dati pregled programskih ciljeva i prioriteta Europske unije te pružiti uvid u kontekst i smjer kretanja pojedinih europskih politika i gospodarskog razvoja.

## *Komora F BiH na Hotel 21 - Održana Prva menadžment konferencija hotelijera i ugostitelja u Bosni i Hercegovini*



i ugostitelja u BiH, simbolično nazvane „Hotel21” što označava izgled hotela i hotelijerstva u 21. stoljeću, a koja se održala u Sarajevu, 20.04.2017.godine.

Tematski naziv Konferencije je „Bosna i Hercegovina u globalnoj konkurentnosti destinacija”.

Radilo se o razvojnoj i poslovnoj konferenciji, koja u fokus stavlja uvjete u kojima se može razviti profitabilnost poslovanja iz industrije turizma.

Ključni preduvjet za povećanje profitabilnosti bilo kojeg biznisa je poslovni ambijent, a u turizmu, taj ambijent je destinacija. Destinacija je razlog zbog kojeg turisti trebaju usluge hotela, ugostitelja, agencija, tour operatora, prijevoznika i svih drugih aktera koji su direktno ili indirektno uključeni u ovaj lanac vrijednosti.

Privredna/Gospodarska komora FBIH bila je partner u organizaciji Prve menadžment konferencije hotelijera

## *Forum komora i gradova Jadransko Jonske makroregije*



U talijanskim gradovima Pescara i Chieti od 07-09 lipnja 2017. godine održan je zajednički Forum gospodarskih komora i gradova Jadransko Jonske makroregije pod nazivom „Bridging to the Future”.

Forum je okupio 50 komora i gradova ovog područja na trodnevnom događanju kroz plenarne sjednice i paralelne sesije po radnim grupama i okruglim stolovima.



## Okrugli sto "Zelena privreda- zeleni ured"



Privredna/Gospodarska komora Federacije BiH je 21.04.2017. godine u Sarajevu, zajedno s Komorom sanitarnih inženjera (KSI) Federacije BiH, organizirala okrugli sto posvećen projektu „Zelena privreda - Zeleni ured“, a povodom 22. aprila, Međunarodnog dana planete Zemlje.

- Jedan od glavnih ciljeva jeste da se u BiH postigne kontinuitet u obilježavanju tog dana, te da se privrednici i predstavnici relevantnih organizacija dodatno educiraju

o značaju koncepta 'zelenog ureda' kao jednog od ključnih segmenata održivog razvoja - izjavio je predsjednik KSIFBiH Amar Ibrulj.

Zeleni ured, kako je dodao, naziv je za skup aktivnosti koje bi zaposleni trebali redovno prakticirati da bi se u svakodnevnom uredskom poslovanju smanjili troškovi za energente i materijal koji se koristi, a ujedno i povećala efikasnost korištenja resursa, te smanjio negativan utjecaj na okoliš.

## *U Privrednoj/Gospodarskoj komori FBiH održan radni sastanak "Javno - privatni dijalog: Izdavanje građevinskih i okolinskih dozvola u Federaciji Bosne i Hercegovine - iskustva i praksa"*



Danas je u Sarajevu, u organizaciji Vijeća stranih investitora BiH (Foreign Investors Council - FIC), Regionalnog udruženja prostornih planera za istraživanje, razvoj i prekograničnu saradnju Zapadnog Balkana (RUPP IRIS), u partnerstvu sa Privrednom/Gospodarskom komorom FBiH uz podršku Njemačkog društva za međunarodnu saradnju (GIZ) održan radni sastanak pod nazivom "Javno - privatni dijalog: Izdavanje građevinskih i okolinskih dozvola u Federaciji BiH – iskustva i praksa".

## P/GKFBiH na 20.međunarodnom sajmu gospodarstva Mostar 2017.



Privredna/Gospodarska komora F BiH na Mostarskom sajmu iz godine u godinu ima sve zapaženiji nastup. Pored sudjelovanja u izloženom dijelu sa prezentacijom značajnog broja kompanija iz svog članstva, Komora na marginama sajma organizira i vrlo interesantne i značajne skupove.

## Aktivnosti Komore na marginama sajma

*Organizacija Međunarodne konferencije  
„Novi programi EU fondova za period  
2014-2020“*

*Info dan turizma 2017.*



## *Gospodarska komora FBiH potpisala ugovor o partnerstvu s proizvođačima smilja*



## Privredna komora F BiH na 13.međunarodnom sajmu privrede u Tešnju



13. sajam privrede Tešanj 2017 imao je rekordan broj izlagača preko 200, odličnu organizaciju, kvalitetne sajamske aktivnosti i prisustvo velikog broja visokih ličnosti iz institucija vlasti, političkog i privrednog života, te je po ocjeni izlagača, organizatora, partnera idr. do sada najbolji. Zemlja partner Sajma je Savezna Republika Njemačka.



*Nakon otvaranja sajma održan je centralni Panel na temu: "Regionalana saradnja kao predhodnica ulasku u EU." Na panelu su učestvovali: Edin Jabanđić predsjednik Udruženja privrednika Biznis centar Jelah Tešanj, dr. Mirko Šantić predsjednik Privredne komore FBiH, Amir Zukić ministar Ministarstva razvoja, poduzetništva i obrta, Aida Soko savjetnica premijera Novalića, Nj.E. Christijane Hohmann, Svetlana Cenić ekonomski analitičar i Darko Buković direktor Privrednog vjesnika.*

## Iz drugog dana 13.međunarodnog sajma privrede u Tešnju izdvajamo

### *Održana godišnja Skupština Privredne/Gospodarske komore F BiH*

Redovna godišnja sjednica Skupštine Privredne/gospodarske komore Federacije BiH održana je 19.05.2017. godine.

Sjednicom Skupštine Komore je predsjedavala potpredsjednica Skupštine gđa Ivana Vujović, kojom prilikom je izrazilo zadovoljstvo velikim odzivom predstavnika privrednih društava članova Skupštine, organa Komore i pozvanih gostiju.

Pored velikog broja zastupnika- predstavnika privrednih društava u Skupštini, na sjednici su prisustvovali i predstavnici Federalnog ministarstva prometa i komunikacija i Federalnog ministarstva energije, rudarstva i industrije, te Udruženja poslodavaca F BiH.



U okviru tematskog dijela Skupštine prezentiran je projekat "Najbolja poslovna ideja ". Nakon provedenog Javnog natječaja za najbolje poslovne ideje, stručno povjerenstvo Komore je odabralo šest ideja iz različitih kategorija.

Na godišnjoj Skupštini, a istovremeno uvažavajući i činjenicu da je tešanjski sajam tematski vezan za metalski sektor i prehrambenu industriju, prezentirana je poslovna ideja jednog od nagrađenih gosp. Mujezinović Denisa iz Zenice :” Proizvodnja alata za brizganje plastike i brizganje proizvoda od plastike” iz kategorije metalska i elektroindustrija.



## *Panel diskusija : “Razvoj bh autoindustrije – vozilo budućnosti”*

Panel diskusija na temu “Razvoj bh autoindustrije – vozila budućnosti” je održana 19.05.2017.godine, drugog dana sajma.

Privrednu komoru F BiH na ovogodišnjem sajmu privrede u Tešnju je podržao veliki broj subjekata. Između ostalih veliku pomoć i uspješnu saradnju Komora je ostvarila sa privrednim društvom Rimac automobili d.o.o.Sveta Nedelja-Republika Hrvatska.kompanije “Rimac automobili” d.o.o. čiji je prezentator bio Miroslav Zrnčević - testni inženjer Odjela za istraživanje i razvoj kompanije Rimac automobili d.o.o.

Organizator panela Komora F BiH je opredjeljujući se za temu panel diskusije, utvrdila da je cilj panela “Razvoj bh autoindustrije – vozila budućnosti” razmatranje potencijala, resursa i razvojnih planova kojima raspolažu kompanije u BiH, te integracija bh autoindustrije u savremene trendove. Da li smo spremni za revolucionarne promjene u auto industriji?



## Komora F BiH na 4. Sajam turizma i eko proizvoda – STEP 2017



Sajam turizma i eko proizvoda STEP, otvoren je 25.05.2017. godine u Jajcu čime je i službeno označen početak turističke sezone u ovom kraljevskom gradu.

Svečanom otvaranju je sudjelovao i podržao predsjednik Privredne/Gospodarske komore FBIH dr.sc. Marko Šantić, zajedno sa ministricom Federalnog ministarstva okoliša i turizma Editom Đapo.

Sajam se četvrtu godinu zaredom održava pod organizacijom Agencije za kulturno povijesnu i prirodnu baštinu i razvoj turističkih potencijala grada Jajca, i njenog direktora Huse Hadžića, ujedno i potpredsjednika Udruženja za turizam pri PGKFBIH, te je okupio veliki broj zainteresiranih proizvođača eko proizvoda, turističkih agencija, hotelijera i gostitelja.

## Privredna/Gospodarska komora F BiH na sajmu energetike ENERGA 2017.



Privredna/Gospodarska komora F BiH kao jedan od oficijelnih partnera sajma energetike ENERGA 2017.godine trećeg dana sajma 08.06.2017.godine je u dvosatnom programu pod nazivom "INFO DAN Obnovljivih izvora energije" pripremila i održala sadržajan program.

Na Info danu nakon uvodnog izlaganja potpredsjednika Komore Mirsada Jašarspahića je održano i nekoliko prezentacija i to: Aktivnosti Privredne/Gospodarske komore Federacije BiH kroz Udruženje obnovljivih izvora energije, Prezentacija: „Aktuelno stanje sektora obnovljivih izvora energije“, Prezentacija PORSCHE-a BH, „Električni automobil – vozilo budućnosti“, te Prezentacija: „Stanje i perspektive automobilske industrije BiH“

U centralnom dijelu programa Privredne komore F BiH održana je Panel diskusija "Električni automobil - „zeleno“ vozilo budućnosti", sa panelistima : prof.dr Boran Pikula –Mašinski fakultet Sarajevo, Martin Tais - stručnjak za kvalitetu zraka i klimatske promjene, mr Jasmin Lučkin – expert za elektro vozila i trener za tehničko školovanje PORSCHE BH, dok je skup moderirala Amela Kečo.

## Komora F BiH na sajmu VIROEXPO

Privredna /Gospodarska komora Federacije BiH je u kontinuitetu prisutna na VIROEXP-u, organizirajući u izložbeno prostoru komorskog štanda prezentiranje domaćih kompanija.

Na ovogodišnjem sajmu Komora F BiH je organizirala zajednički štand sa Posavskim kantonom/županijom.

Ovogodišnji Viroexpo je imao najraznovrsniju ponudu, sa 550 izlagača iz 27 zemalja, a zemlja partner je Republika Češka. Iako su na sajmu zabilježene posjete ličnosti iz političkog života Republike Hrvatske i zemalja regiona, ipak se u prvom planu zadržao smisao i karakter VIROEXPA, kao poduzetničkog, privrednog sajma .



## 25. Zagorski gospodarski zbor "KRAPINA 2017"



25. Zagorski gospodarski zbor „Krapina 2017“, kao tradicionalna gospodarska izložba organizirana od strane HGK Županijske komore Krapina, Krapinsko – zagorske županije, Obrtničke komore Krapinsko – zagorske županije i Grada Krapine, održan je u Krapini - Republika Hrvatska, u razdoblju od 7.-9. rujna 2017. godine, na izložbenom prostoru od 5.000 m<sup>2</sup>, sa preko 280 izlagača, što predstavlja najveće okupljanje i dobru promociju gospodarstvenika Krapinsko – zagorske županije.

Na ovogodišnjem 25. Zagorskom gospodarskom zboru „Krapina 2017“ aktivno učešće već treću godinu za redom uzela je i Privredna/Gospodarska komora Federacije Bosne i Hercegovine, uspješno promovirajući svoje članice kao i cjelokupno gospodarstvo Bosne i Hercegovine.

Na bogato opremljenom izložbenom prostoru P/GKFBIH, gospodarstvenici iz zemalja regije kao i EU mogli su da se upoznaju sa svim poslovnim potencijalima koje naša zemlja nudi potencijalnim investitorima, naročito iz sektora metalne industrije, energetike, poljoprivrede te turizma.

## Privredna komora F BiH po prvi puta uzela učešće na međunarodnom sajmu poljoprivrede INTERAGRO 2017. koji je održan u Bijeljini u periodu od 21. do 23. septembra 2017.godine



Na prostoru Agrotržnog centra "Knez Ivo od Semberije" u Bijeljini, održan je 16. Međunarodni sajam poljoprivrede Interagro 2017, na kome je izlagalo okupio 120 izlagača iz zemalja regiona, firme iz oblasti agrara iz Italije, Francuske i Njemačke, uz brojne banke, komore, nevladine organizacije i razvojne agencije koje pružaju podršku razvoju agrara.

Privredna komora FBiH koja prvi put uzela učešće u organizaciji ovog sajma, dala je podršku ovom sajmu s ciljem harmonizacije domaćeg tržišta i što boljeg pozicioniranja poljoprivrede kao strateške grane u BiH.

## Sajam MOW – prilika za BH proizvođače namještaja

Predstavnici Privredne/Gospodarske komore FBiH, potpredsjednik Mirsad Jašarspahić i direktor Sektora za industriju i usluge Almin Mališević, su bili dio delegacije BiH koja je 18.9.2017. godine upriličila posjetu sajmu namještaja MOW u Bad Salzflenu u Njemačkoj. Sajam MOW spada među vodeće sajmove namještaja u Evropi i predstavlja izuzetnu priliku proizvođačima namještaja da svoje proizvode i novitete prezentiraju trgovcima i kupcima namještaja u Njemačkoj i šire. Na sajmu su izloženi proizvodi iz 35 zemalja, a među njima su i ove godine proizvodi bh proizvođača namještaja. Visoko kvalitetni i moderno dizajnirani namještaj proizveden u BiH je prepoznat od strane njemačkih kupaca i na ovogodišnjem sajmu MOW je mamio pažnju kupaca. Posjeta je organizirana uz podršku zajedničkog programa Evropske unije i Vlade Njemačke za lokalnu smaoupravu i ekonomski razvoj, EU ProLocal, kojeg sprovodi GIZ, s ciljem daljeg razvoja drvnog sektora u Bosni i Hercegovini. Delegaciju iz BiH su činili predstavnici Privredne/Gospodarske komore FBiH, Privredne komore RS, Drvnog klastera Hercegovine i predstavnika i eksperata GIZ-a, kao organizatora posjete. Upriličen je sastanak sa upravom sajma na čelu sa gospodinom Bernd Schafermeir, kome su predstavnici sajma prezentirali sajamsku ponudu i način funkcionisanja sajma. Također, predstavljeni su potencijali bh. industrije namještaja i razgovarano je o mogućnostima za izlaganje većeg broja firmi iz BiH na sajmu naredne godine. Zajedno sa predstavnicima sajma, upriličen je obilazak štandova bh. i drugih firmi. Na više od 1000 m2 firme iz BiH su predstavile svoju ponudu i pokazale da je privreda ono najbolje što Bosna i Hercegovina ima.

## Gospodarska komora F BiH na sajmu ZAJEČAR 2017.



Privredna/Gospodarska komora Federacije Bosne i Hercegovine, već 2.godinu za redom uzima aktivno učešće na Međunarodnom sajmu gospodarstva u Zaječaru, Republika Srbija, promovirajući svoje članice kao i cijelokupno gospodarstvo Bosne i Hercegovine sa preko 30.kompanija različite djelatnosti.

Predstavnici Privredne/Gospodarske komore FBiH poseban osvrt prilikom poslovnih susreta u Republici Srbiji su imali na turizam, koji je pored proizvodnje jedan od nositelja gospodarstva modernog društva, svega onoga čime Bosna i Hercegovina kao zemlja obiluje, ali još uvijek nedovoljno istaknuto i promovisano, što vodstvo i djelatnici P/GKFBiH pokušavaju okrenuti u pozitivnom smjeru.



# Gospodarska komora F BiH na 15. Međunarodnom sajmu ekologije „EKOBIS 2017“

U Bijaću je od 14. do 16.09.2017.godine održan 15. Međunarodni sajam ekologije – „EKOBIS 2017“. Glavna tema ovogodišnjeg izdanja EKOBIS-a je bila voda, odnosno njen sveukupni prirodni, biološki, ekonomski i ekološki značaj za grad Bijać i Unsko Sanski kanton, ali i za cijelu Bosnu i Hercegovinu, a sve pod nazivom „Budućnost počinje danas“.



Na 128 štandova je više od 250 izlagača predstavilo svoje proizvode i usluge iz oblasti ekologije i proizvodnje zdrave i organske hrane, turizma i drugih industrija koji poštuju eko principe i standarde. Slijedom toga da PGKFBIH već tradicionalno podržava EKOBIS sajam, kako svojim izlagačkim dijelom tako i realiziranim pratećim sadržajima, predsjedniku Šantiću je od sajma EKOBIS dodijeljeno posebno priznanje za podršku međunarodnom sajmu ekologije EKOBIS.

Povodom Javnog natječaja kojeg je PGKFBIH početkom godine raspisala, a odnosi se na „Najbolju poslovnu ideju“, predsjednik Šantić je na svečanoj večeri otvaranja EKOBIS sajma dodijelio nagrade dobitnicima iz nekoliko kategorija:

U organizaciji PGKFBIH i njenog Udruženja za turizam održan je Panel o turizmu pod nazivom „Turizam u BiH – Uspješne priče“.

Bosna i Hercegovina ima sve preduvjete da postane jedna od najvažnijih turističkih atrakcija u Europi, ali to treba znati kvalitetno iskoristiti, prepoznati i prezentirati, a to je moguće jedino ako se svi akteri udruže i zajednički djeluju na ostvarivanju jednog cilja a to je turizam kao pokretač razvoja ekonomije i gospodarstva, ali i investicija.



# Privredna Komora F BiH na 24. generalnom sajmu ZEPS 2016 i 14. ZEPS Intermetal

U Zenici je održan 24. generalni bh. sajam ZEPS 2017 i 14. međunarodni sajam metala ZEPS Intermetal. Na sajmu je bilo prisutno 587 izlagača iz 26 zemalja, a u fokusu sajamskih manifestacija je energija, ekologija, te poljoprivreda i prehrana, a velika promocija i prostor će se posvetiti informacionim tehnologijama.



Ovogodišnje poslovne susrete svečano je otvorio predsjedavajući Vijeća ministara g. Denis Zvizdić, uz prisustvo velikog broja visokih zvaničnika federalne, kantonalne, gradske vlasti Zenice, te brojnih gostiju.

U organizaciji Trgovinskog odjela austrijske ambasade u BiH danas je održan Austria Show case- Metaloprerađa lohn poslovi u metalnoj branši. Privredna/Gospodarska komora FBiH je pozvana od strane Trgovinskog savjetnika austrijske ambasade g. Philippe Kupfera da uzme učešće na ovom događaju. Udruženje metalne i elektro industrije P/G K FBiH je prepoznalo značaj ovog događaja i uputilo poziv svojim članicama da iskoriste priliku da direktno sa firmam iz Austrije održe sastanke i pokušaju doći do poslovnih dogovora.

Posjeta ovoj sajamskoj manifestaciji, na kojoj učestvuje 60 izlagača iz sedam država, omogućuje dobre poslove i saradnju preduzeća i firmi, kao i pojedinaca.



## Delegacija Privredne komore Federacije BiH uzela učešće u 16. Sajmu AGROKOS



Privredna/Gospodarska Komora Federacije Bosne i Hercegovine uz finansijsku podršku VTK BiH organizirala zajednički nastup privrednika iz Bosne i Hercegovine na 16. Međunarodnom sajmu hrane, pića i gastronomije "AGROKOS 2016", koji je održan u periodu od 20-22.10.2016. godine u Prištini.

Sajam je posjetilo preko devet hiljada posjetilaca, kojima su se svoje robe i usluge predstavilo preko 130 firmi sa prostora Kosova i susjednih zemalja iz regije zapadnog Balkana, Turske i Češke.

## Udruženje turizma pri P/GKFBiH na Sarajevskom Festivalu Turizma 2017. godine



Od 19-21.10.2017. godine u Centru Skenderija u Sarajevu održana je prva sajamska manifestacija Sarajevski Festival Turizma 2017. godine.

Organizator ove manifestacije je centar Skenderija u suradnji sa partnerima Turističkom zajednicom Kantona Sarajevo, Gradskom upravom Sarajeva i Federalnom ministarstva okoliša i turizma.

Sarajevski Festival Turizma je okupio sudionike turističke ponude Bosne i Hercegovine, i samim tim postao marketinško sredstvo za prezentaciju ponude turističkih destinacija i usluga u BiH.

## Predstavници P/G K FBiH posjetili sajam FMB u Bad Salzuflenu i Privrednu komoru Bielefeld u Njemačkoj

Predstavnici Privredne/Gospodarske komore FBiH, direktor Sektora za industriju i usluge Almin Mališević i predsjednik Udruženja metalne i elektro industrije Kasim Kotorić, su bili dio bh delegacije koja je 8. i 9. 11. 2017. godine posjetila sajam mašingradnje i inženjerstva FMB u Bad Salzuflenu u Njemačkoj.

Sajam FMB osnovan je 2005. godine kao prezentacijska platforma za dobavljače mašingradnje. Sa više od 700 firmi u oblasti mašingradnje i njihovih dobavljača, regija u kojoj se sajam održava Ostwestfalen-Lippe, jedna je od najjačih u Njemačkoj i generira godišnji promet od preko 19 milijardi eura. FMB sajam okuplja konstruktore, programere i kupce zajedno u ciljanom smislu i predstavlja cjelokupni spektar industrije dobavljača za izgradnju mašina i postrojenja, uključujući i preteće usluge.

Ove godine na FMB-u je 556 firmi predstavilo svoje inovativne proizvode i rješenja iz mašingradnje, obrade metala, inženjerstva, elektronike, softverskih rješenja i prateće opreme za mašinsku industriju.



## Održan seminar na temu Praktična primjena Zakona o javnim nabavama i podzakonskih akata

U prostorijama Privredne/Gospodarske komore F BiH u Mostaru 22. 03. 2017. godine održan je seminar na temu „Praktična primjena Zakona o javnim nabavama i podzakonskih akata: Pravilnika o uslugama iz Aneksa II Dio B i Pravilnika o e-aukciji“.



Predavači su bili certificirani treneri za javne nabave: mr.sci Stipo Petričević i Sanja Čubela, direktorica filijale Mostar Agencije za javne nabavke BiH.

Seminar je bio namijenjen za ugovorne organe i ponuđače, te su certificirani predavači na praktični način približili i pojasnili novitete iz oblasti javnih nabava. Interaktivnim pristupom su bili pojašnjeni mnogi konkretni primjeri iz prakse, te su sudionici imali priliku da sa predavačima prokomentiraju i dobiju odgovore na pitanja iz ove oblasti.

## Održan seminar "Predstavljanje tehnologije tretmana prečišćavanja otpadnih voda pomoću vještačkih močvarišta"

Ambasada Republike Češke u Bosni i Hercegovini u saradnji sa Privrednom /Gospodarskom komorom Federacije Bosne i Hercegovine i Privrednom komorom Republike Srpske, te Kantonalnom privrednom komorom Tuzla, organizovala je seminar pod nazivom „Predstavljanje tehnologije tretmana prečišćavanja otpadnih voda pomoću vještačkih močvarišta“, koji je izazvao veliko interesovanje javnosti.

Seminari su održani u 4 grada (Tuzla, Banja Luka, Sarajevo, Mostar) Bosne i Hercegovine, a za cilj su imali predstavljanje unapređenja sistema tretmana otpadnih voda,

te jačanje veze između kompanija koje razvijaju tehnologije i donosioca odluka, tj. prije svega rukovodstva općina, javnih komunalnih preduzeća i deponija i industrijskih kompanija.



## Održana radionica: ISO 9001 - Korist ili formalnost za menadžment

Radionica „ISO 9001 - Korist ili formalnost za menadžment“, održana je danas u prostorijama Privredne/Gospodarske komore Federacije BiH.

Radionica je organizovana u saradnji sa sertifikacijskom kućom TÜV SÜD, a u cilju razmjene iskustava i pogleda na standard ISO 9001:2015 između direktora firmi i gosp. Mitje Plosa, vodećeg auditora i trenera auditora sertifikacijske kuće TÜV SÜD Management Service, sa dvadesetogodišnjim iskustvom u auditiranju sistema upravljanja kvalitetom.



## Radionica o postupanju sa vodenim muljem

U organizaciji Privredne/Gospodarske Komore FBiH i Udruženja poslodavaca komunalne privrede FBiH, 13.09.2017. godine, održana je Radionica o postupanju sa vodenim muljem. Teme i prezentanti su bili:

1. Iskustva na Projektu PPOV Butila, Nermin Drnda, Direkcija za puteve KS
2. Vodeni mulj iz pročištača, dr. Simone Milanolo, HEIS Institut za hidrotehniku Sarajevo
3. Sagorijevanje nekonvencionalnih goriva u fluidizovanom sloju, doc.dr. Milijana Paprika, Institut za nuklearne nauke Vinča
4. Postupanje s muljem iz otpadnih voda, Tomislav Grizelj, GRIZELJ GROUP Sarajevo

Aktivno učešće uzelo je preko 80 učesnika iz komunalne privrede, prvenstveno vodosnabdijevanja, kanalizacije i odvodnje, kao i vlasnika – korisnika postrojenja za pročišćavanje otpadnih voda (PPOV).

Vrlo bitni učesnici su bili i potencijalni financijeri; WB, EBRD, KfW, Fond za zaštite okoliša FBiH, kao i državni organi: Federalno ministarstvo poljoprivrede, vodoprivrede i šumarstva, Federalno ministarstvo okoliša i turizma, kantonalni i općinski organi uprave, te privredni subjekti i projektanti u oblasti hidrotehlike.

## Organiziran Workshop "Primjena GIS tehnologija u četvrtoj industrijskoj revoluciji"

U organizaciji Privredne/Gospodarske komore FBiH i kompanije Sana Solutins d.o.o., dana 28.09.2017. godine, održan je workshop na temu „Primjena GIS tehnologija u četvrtoj industrijskoj revoluciji“.



ophodno za razumijevanje. U tom smislu GIS kao platforma i tehnologije koje se vezuju za njegovu efikasnu primjenu, predstavlja nezamjenljiv alat, koji informacijama daje sve ove tražene osobine. Primjena GIS-a u prezentaciji informacija i donošenju odluka predstavlja savremenu paradigmu pristupa „jedna slika hiljadu riječi“. Informacije date na workshop-u omogućile su prisutnima sagledavanje potrebe i načina upotrebe GIS tehnologije, kroz konkretne primjene date na odgovarajućim primjerima.

GIS (Geografski informacijski sustav) se može protumačiti kao baza podataka sa prostornom komponentom, preko koje korisnik vizualizacijom dobiva jasniju sliku svojih podataka, a pomaže im kako bi pregledavanjem podataka na način koji je lako razumljiv i jednostavan, uvidjeli kako unaprijediti poslovne procese.

U vremenu četvrte industrijske revolucije u kojem se trenutno nalazimo, pravovremenost i pouzdanost informacija predstavljaju osnov za donošenje adekvatnih strateških, taktičkih i operativnih poslovnih odluka. Česta zamjena teza je da se govori o raspolaganju podacima. Podaci sami po sebi ako nisu strukturirani u informaciju koja ima upotrebnost vrijednost nisu dovoljni. Obrada i prikaz informacija predstavlja glavni izazov u pogledu njihove efikasne upotrebljivosti, što podrazumijeva njihovu jednostavnost, sadržajnost i minimalno vrijeme ne-



# Održan okrugli sto o problematici izdavanja energijskih certifikata

U organizaciji P/G komore Federacije BiH je 25.09.2017. godine održan okrugli sto o problemu implementacije Zakona o energijskoj efikasnosti u Federaciji BiH (Sl. novine FBiH br. 22 od 24.03.2017. godine), a težišno o problemu zastoja u izdavanju energijskih certifikata za stambene i nestambene objekte.



Aktivno učešće u radu okruglog stola uzeli su predstavnici privrednih/gospodarskih subjekata koji se bave ovom djelatnošću, međunarodnih organizacija koje pružaju tehničku pomoć u oblasti energetske efikasnosti (USAID i GIZ), te Federalnog ministarstva prostornog uređenja.

## Radni sastanak - Snabdijevanje toplinskom energijom iz TE Kakanj do/i Sarajevo – šansa i zadaća



Iz razloga stalno otvorenog pitanja rješavanje velike zagađenosti u Sarajevu, te strateškog cilja za energetske nezavisnosti države i njenog glavnog grada, Privredna komora FBiH je 29.09.2017. bila inicijator i domaćin radnog sastanka na kome su se okupili predstavnici svih zainteresiranih strana kojima je ovaj problem kontinuirana zadaća a rješavanje istog moguće kroz Projekat snabdjevanja Toplinskom energijom iz TE Kakanj.

S obzirom na značaj Projekta toplovoda Kakanj-Sarajevo za Kanton Sarajevo i ZDK, a strateški i za Federaciju u cjelini, u prostorijama PKFBiH su se okupili predstavnici Elektroprivrede BiH, Vlade FBiH, Vlade ZDK, Vlade kantona Sarajevo, JP Toplane Sarajevo, Fonda za zaštitu okoliša te JP Autoceste FBiH. Uvažavajući sve procedure koje zakonska regulativa nameće za realizaciju ovakvog projekta, na sastanak je pozvan i konzorcij Engineering Dobersek GmbH (Njemačka) – China CAMC Engineering Co.ltd. iz grupacije SINOMACH (Kina), koji su na listi 100 projekata FBiH ovaj prepoznali kao značajan.

## U Privrednoj/Gospodarskoj komori FBiH održana Međunarodna Radionica o EU programima



U Privrednoj/ Gospodarskoj komori FBiH u Mostaru, je održana dvodnevna međunarodna radionica pod nazivom „Procesi pripreme i prijave na EU programe“.

Radionicu je organizirala P/GKFBiH, a rezultat je dugogodišnje uspješne suradnje sa Hrvatskom Gospodarskom Komorom i njihovim Centrom za industrijski razvoj – CIRAZ, čiji će članovi držati radionicu.

Glavni cilj radionice je upoznati sudionike sa programima europske teritorijalne suradnje- prekogranične, međuregionalne i transgranične, te sa procesima pripreme i prijave na EU programe s ciljem što efikasnijeg povlačenja sredstava iz EU fondova.

## P K FBiH učestvovala u konferenciji "Machinery and Plant Engineering" i Promociji investicionih i privrednih potencijala BiH u Beču



Na poziv Federalne privredne komore Austrije, delegacija privrednika iz BiH predvođena predsjednikom Privredne komore FBiH gosp. Mirsadom Jašarspahićem i direktorom Agencije za promociju izvoza Vanjskotrgovinske komore BiH gosp. Enesom Ališkovićem je učestvovala na međunarodnoj konferenciji „Machinery and Plant Engineering“ u Beču 28. i 29.11.2017. godine, sa učesnicima i predstavnicima kompanija iz preko 20 zemalja Evrope i svijeta. Bh. privredni subjekti koji su se odazvali i iskoristili ovu šansu su: Deling d.o.o. Tuzla, TTO Sarajevo, Femetall d.o.o. Zenica, Tvornica alata Goražde, PIMS

elektrooprema Odžak, Junior-Eko-Termik Jelah.

Konferencija i B2B razgovori su pružili mogućnosti našim predstavnicima da se upoznaju sa dobavljačima, kupcima i poslovnim partnerima razvijenog i zahtjevnog austrijskog tržišta iz oblasti mašingradnje, metalne industrije i proizvodnog inženjstva. Iskorištena je šansa da se upoznaju budući kupci i dobavljači, usvoje nova saznanja o najaktuelnijim industrijskim trendovima, prezentuju novi projekti, te iniciraju novi prekogranični kontakti.

## Komora F BiH na Konferenciji "Stečajevi i politike Druge šanse kroz OECD projekat ocjene implementacije projekata malog i srednjeg biznisa u jugoistočnoj Europi"



U Parizu 14. 09.2017.godine održana je Konferencija "Stečajevi i politike Druge šanse kroz OECD projekat ocjene implementacije projekata malog i srednjeg biznisa u jugoistočnoj Europi", gdje je aktivno učešće uzela BiH delegacija, a Potpredsjednik Privredne Komore FBiH gosp. Mirsad Jašarspahić bio je jedan od panelista.

## U Berlinu održan inicijalnih sastanak za osnivanje zajedničke njemacko-bosanskohercegovačke operativne grupe, "Task Force"

Operativnu grupu koja će raditi na otklanjanju barijera činit će predstavnici institucija nadležnih ministarstava, komora i udruženja poslodavaca iz dviju država.

BH. kompanije će putem komorskog sistema BiH u pisanoj formi dostavljati svoje prijedloge za rješenje određenih prepreka sa kojima se susreću u poslovanju sa Njemačkom.

Razgovaralo o mogućnostima unapređenja trgovinske razmjene i investicija, na osnovu iskustava njemačkih kompanija u BiH, te bosansko-hercegovačkih u Njemačkoj.

## Komora F BiH na 6.Dunavskom biznis forumu

U Novom Sadu 5. i 6. Listopada održan je Šesti Dunavski biznis forum čiji je organizacijski partner bila i Privredna Komora Srbije, a na kojem su se okupili gospodarstvenici iz 14 država.

Forum je bio posvećen Dunavskoj strategiji u ulozi businessa, u ostvarivanju njenih ciljeva, jačanju prosperiteta i efikasnijem korištenju potencijala. Cilj je bio da se na temelju Dunavske strategije koju je usvojila Europska unija, prikaže sve ono što je urađeno u prethodnom periodu, ali i da se naprave planovi za budućnost, u cilju što bolje iskorištenosti mogućnosti koje pruža saradnja država koje pripadaju dunavskom slivu.

Privrednu-Gospodarsku komoru Federacije BiH predstavljao je dr. Marko Šantić, koji je sudjelovao kao panelist na panelu: Regioni –mostovi integrativnih procesa, projekti, ideje i vizije, govoreći o iskustvima povezivanja regija u Jadransko-Jonsku makroregiju.



# Održane javne rasprave o Nacrtima Zakona o porezu na dohodak, Zakona o doprinosima, te o inicijativi za izmjenu Zakona o porezu na dobit





Nakon što su tekstovi Zakona o porezu na dohodak i Zakona o doprinosima na prijedlog Vlade FBiH utvrđeni u formi Nacrta od strane oba doma Parlamenta FBiH, o istima je otvorena Javna rasprava, koja je predviđena da traje do 31.12.2017.godine.

Obzirom da ovi zakoni donose nekoliko ključnih promjena u odnosu na postojeća zakonska rješenja, Privredna/Gospodarska komora FBiH, Udruženje poslodavaca FBiH, Vijeće stranih investitora FBiH, FIPA, te predstavništvo Njemačke privrede u BiH su usaglasili zajedničko održavanje javnih rasprava u deset gradova u Federaciji BiH.

Zakon o porezu na dobit koji je ranije usvojen, je takođe bio predmet Javne rasprave, obzirom na činjenicu da je pokrenut postupak donošenja njegovih izmjena i dopuna.

Javne rasprave su održane sa ciljem da se ukaže na važnost donošenja provodivih, fleksibilnih i optimalno prihvatljivih zakona.

Rasprave su održane u Gračanici, Tuzli, Bihaću, Tešnju, Zenici, Travniku, Goraždu, Mostaru, Širokom Brijegu, Sarajevu, na kojim su pored predstavnika organizatora učestvovali predstavnici privrednih društava, institucija, lokalne zajednice, uz kvalitetnu medijsku podršku. Na rasparavama su prezentirani amandmani na ove Zakone, sa obrazloženjem te projekcijom eventualne primjene Zakona, sa fokusom na ključne promjene u odnosu na postojeća zakonska rješenja.



## *Okrugli stol - Plavi rast*

Predmet rasprave okruglog stola bio je projektni prijedlog Gospodarske komore Bari koji glasi: PRENAMJENE U NAUTICI I NAUTIČKI TURIZAM. STARI BRODOVI KAO: - laboratoriji za međunarodnu prenamjenu - lokacije za suvremeni nautički turizam. Projekt je predstavila Gospodarska komora Bari.

## *Okrugli stol - Kvaliteta okoliša i poljoprivreda*

Okrugli stol za kvalitetu okoliša i poljoprivredu je održan u sklopu 17. Foruma Jadransko Jonskih gospodarskih komora 08. lipnja u Pescara - Chieti, Italija. Koordiniran je od strane Bosne i Hercegovine i Italije; Privredne/Gospodarske komore Federacije Bosne i Hercegovine i Unioncamere Italija. Moderirao ga je predsjednik Privredne/Gospodarske komore Federacije BiH dr.sc. Marko Šantić. Tema ovogodišnjeg okruglog stola bila je „Prednosti i nedostaci Javno – privatno partnerstvo i model koncesija u poljoprivredi“, a ključna govornica je bila prof. dr. Mia Glamuzina, koordinator vlade FBiH za Europske integracije, Bosna i Hercegovina. Okrugli stol je okupio oko 15

sudionika koji su članovi različitih institucija/organizacija, razvojnih agencija i poduzetnika iz sektora poljoprivrede i okoliša.



## *Okrugli stol - Povezivanje regije*

U radu ovog okruglog stola sudjelovalo je oko 20 sudionika, uglavnom poduzetnika i predstavnika komora Foruma, gradova, sveučilišta i drugih institucija/organizacija iz Italije, Hrvatske, Crne Gore i Grčke. Okruglim stolom koordinirali su Gospodarska komora Ancona i Gospodarska komora Achaia, dok je okrugli stol moderirao v.d. potpredsjednika Gospodarske komore Achaia, gosp. Aristidis Tiligadas. Ovogodišnja tema bila je "Luke kao turistički ulaz u grad: primjeri najbolje prakse usluga prijema i mogućih modela organizacije gospodarskih komora, lučkih uprava i gradova.


## *Okrugli stol : "Interkulturalni dijalog kroz održivi turizam"*

Okruglim stolom za održivi turizam koordinirale su drugu godinu za redom Hrvatska i Albanija – Hrvatska gospodarska komora i Gospodarska komora Drača.. Tema ovogodišnjeg Okruglog stola za održivi turizam pri 17. Forumu jadransko-jonskih gospodarskih komora bila je „Interkulturalni dijalog kroz održivi turizam“. Kroz rad Okruglog stola, prisutnima se obratilo 11 govornika, predstavljeni su zanimljivi projekti i iskustva, a usuglašeni su i konkretni zaključci i dogovorene aktivnosti. Osim navedenog, bitno je naglasiti kako smo imali odvojenu sesiju koja se odnosila na predstojeću 2018. godinu koju će Svjetska turistička organizacija pri Ujedinjenim narodima – UNWTO – proglasiti Godinom turizma i kulturne baštine ali i Godinom turizma za Kinu.

## *Okrugli stol "Potencijal poduzetništva žena - od baštine prema budućnosti"*

U radu stola sudjelovalo je 20 poslovnih žena, poduzetnica i predstavnica institucija / organizacija iz Italije, Hrvatske, Crne Gore, Srbije i Albanije. Koordinator okruglog stola su HGK Županijska komora Split i Gospodarska komora Udina, a stol je moderirala v.d. predsjednice HGK Županijske komore Split, Mirjana Čagalj. Tema okruglog stola je bila "Potencijal poduzetništva žena - od baštine prema budućnosti", a ključni govornik Vito Signati, direktor Specijalne agencije Gospodarske komore Matere, koja je vodeći partner projekta "Mirabilia: Europska mreža mjesta UNESCO baštine".

## U organizaciji Privredne/Gospodarske komore F BiH i Ambasade BiH u R Poljskoj, održan je sastanak gospodarstvenika iz R Poljske i BiH



Na sastanku je bilo nazočno preko 30 gospodarstvenika iz Poljske i 10 poduzeća iz Bosne i Hercegovine. Na sastanku su se predstavili poljski proizvođači kao što su: proizvođači krovnih konstrukcija i limova: KURP-DACH Sp.zo.o, krovnih prozora ROTO, proizvođači vijaka i sidara HAMAR, te drugi. Nakon predavljanja poljskih gospodarstvenika uspostavljena je međusobna komunikacija sa srodnim poduzećima iz BiH: Meister, Živinice, AGI Konjic, Domena Mostar, A3 Široki Brijeg, Mucić & CO Ljubuški, Moj dom Tomislavgrad i dr.

Nazočni gospodarstvenici izrazili su zadovoljstvo ovim sastankom, te će daljnje međusobne kontakte u budućnosti obavljati u suradnji sa Privrednom/Gospodarskom komorom F BiH.

## Održani bilateralni sastanci bh i privrednika trgovačke komore Aksaray R. Turska



U organizaciji Privredne komore Federacije BiH i Tubsida, asocijacije tursko bosanskih privrednika, 31.03.2017. u velikoj sali Komore upriličena je posjeta predstavnika Trgovačke komore turskoga grada Aksaray.

Posjeta turskih privrednika ima za cilj ima uspostavljanje saradnje između turskih i bh. privrednika kao i razmatranje mogućnosti za ulaganje u BiH.

## Zaštiti čuvare šuma i procesuirati bespravnu sječu



Poboljšanje uvjeta rada zaposlenih u šumarstvu i sprječavanje nelegalne sječe šuma teme su sastanka koji je danas u Sarajevu organizovalo Udruženje inženjera i tehničara šumarstva FBiH i Grupacija šumarstva i drvne industrije Privredne komore FBiH.

## Održani bilateralni susreti bh i privrednika trgovačke komore Adana – Turska



U organizaciji P/G komore Federacije BiH i Tubsiada, asocijacije tursko bosanskih privrednika, dana 21.04.2017. u velikoj sali Komore upriličena je posjeta predstavnika Trgovačke komore turskoga grada Adana, od kupno dvadeset sedam firmi iz oblasti prehrane, građevine, metalnog i elektoro sektora, medicinske opreme, tekstila i turizma.

Posjeta turskih privrednika ima za cilj ima uspostavljanje saradnje između turskih i bh. privrednika kao i razmatranje mogućnosti za ulaganje u BiH.

## Potpredsjednik Privredne/Gospodarske Komore FBiH primio privrednu delegaciju grada Tangshana



U Sarajevu je 23.aprila 2017. boravila privredna delegacija kineskog grada Tangshana. U delegaciji su bili predstavnici privrede i zvaničnici Vlade Tangshana na čelu sa gospodinom Sun Youshunom. Upoznali su nas sa privredom i ekonomskim pokazateljima razvoja grada Tangshana kao i koje proizvode bi željeli uvoziti iz BiH.

## Održan business forum i poslovni susreti bh i mađarskih privrednika

Privredna/Gospodarska komora Federacije BiH je u saradnji sa Ambasadom Mađarske u BiH, Mađarskom trgovačkom i industrijskom komorom i Trgovačkom i industrijskom komorom Peč-Baranja, u Mađarskoj 26. i 27. aprila 2017. godine, organizovala Business forum i poslovne susrete Mađarskih i privrednika iz Bosne i Hercegovine. U privrednoj delegaciji BiH našli su se predstavnici kompanija iz metalnog sektora, automobilske industrije, prehrambene i pekarske industrije i građevinske industrije. Business forum je održan na dvije lokacije i to 26. aprila 2017. godine u Peču i 27. aprila 2017. godine u Budimpešti.

U Mađarskoj trgovačkoj i industrijskoj komori u Budimpešti, Business forum je otvorio mr. Attila Galambos, predsjednik komiteta za zapadni balkan Mađarske trgovačke i industrijske komore, te izrazio zadovoljstvo zbog velikog interesa kompanija iz Mađarske i BiH za saradnjom.

Na forumu se prisutnima obratio Ambasador BiH u Mađarskoj Nj.E. Aleksandar Dragičević naglašavajući da dvije zemlje nemaju nikakvih prepreka niti neriješenih sporova, te da povezanost privreda dviju zemalja iz prošlosti treba nadograditi i učvrstiti veze između privrednih subjekata. Potpredsjednik Privredne/Gospodarske komore FBiH g. Mirsad Jašarspahić je prezentirao privredne potencijale i potencijale za investiranje u BiH i pozvao privrednike iz Mađarske da posluju sa bh. privrednicima i da poboljšaju trgovinsku razmjenu. Zamjenik šefa Odjela za zemlje zapadnog balkana Ministarstva vanjskih poslova i trgovine Mađarske, Mr. Tamas Bali, je ukazao da iako postoje preduслови za jaku povezanost privrednika iz BiH i Mađarske, ta povezanost nije na zadovoljavajućem nivou i izrazio nadu da će sa izgradnjom koridora Vc doći do lakšeg protoka roba i da će to biti razlog za snažnije povezivanje i u ekonomskom smislu.



## Održana završna radionica u Sarajevu: SBF je najsvjetlija tačka promocije ekonomije BiH



Sarajevo Business Forum najsvjetlija je tačka promocije ekonomije Bosne i Hercegovine, poručeno je na pripremnoj radionici koja je održana u velikoj sali Privredne komore Federacije BiH u Sarajevu, dana 05.05.2017. godine. Potencijali i šanse najveće investicijske konferencije u regiji predstavljani su privrednicima, u sklopu završne prezentacije, a uoči Sarajevo Business Forumu 2017. koji se održava 22. i 23. maja ove godine u glavnom gradu BiH

pod pokroviteljstvom Predsjedništva BiH i uz podršku Vijeća ministara i Ministarstva vanjskih poslova BiH. Radionicu je, u saradnji sa Privrednom komorom FBiH, organizirao BBI VIP Business Club, a prisustvovali su joj brojni predstavnici bh. kompanija iz različitih privrednih sektora.



## Novoimenovani ambasador BiH za Pakistan tokom priprema za odlazak posjetio Privrednu/Gospodarsku komoru F BiH



Tokom priprema za odlazak i stupanje na dužnost novoimenovani ambasadori BiH pored sastanaka i razgovora sa najvišim državnim institucijama održale radne sastanke i u privrednoj komori.


Dana 13. 7. O.g. tokom priprema za odlazak na dužnost u Pakistan gospodin Sakib Forić sa saradnicima posjetio je Privrednu/Gospodarsku komoru F BiH gdje je sa potpredsjednikom Mirsadom Jašarspahićem održao radni sastanak

## Predstavnici Ambasade Republike Češke posjetili P/G komoru Federacije BiH

Dana 19.07.2017.godine predstavnici Ambasade Republike Češke, novoimenovani Šef odsjeka za trgovinu gospodin Ladislav Horak zajedno sa kolegom gospodinom Petrom Kašičkom i gđom Ines Terza službenicom Ambasade, su u Privrednoj/Gospodarskoj komori Federacije BiH sa potpredsjednikom Mirsadom Jašarspahićem održali radni sastanak.

Tom prilikom su dosadašnji Šef odsjeka za trgovinu gospodin Kašiček i potpredsjednik Jašarspahić upoznali novoimenovanog Šefa odsjeka o dosadašnjim mnogim zajedničkom aktivnostima u službi potpora privrednicima koje su Ambasada i Komora provodili.

Prezentirane su aktivnosti i potencijali komorskog sistema Federacije BiH kao i aktuelni projekti na kojima bi privrednici dvaju zemalja mogli naći zajedničke interese.



## Privredna/Gospodarska komora FBiH učestvovala na Američkom biznis forumu za promociju i umrežavanje

U organizaciji Američke ambasade u BiH i Američke privredne komore AmCham BiH u Banja Luci je, 22.9.2017. godine, održan biznis forum „Američki biznis forum za promociju i umrežavanje“. Na početku foruma prisutnima se obratila ambasadorica SAD u BiH Morin Kormak i ukazala na značaj američkih investicija u BiH, te da se stalno vode aktivnosti na privlačenju novih investitora. Ambasadorica je ukazala na mnoge prepreke koje otežavaju realizaciju investicija u BiH i neophodnost poboljšanja uslova za poslovanje.

## Privredna/Gospodarska komora FBiH partner konferencije "Adriatic wood days" Dubrovnik 2017.



Sektorski događaj o drvenoj industriji u JI Evropi i na Mediteranu održava se u Dubrovniku od 04.- 05.12.2017. u organizaciji Hrvatskog Drvnog Klastera . Prisutne će pozdraviti gospodin Marko Šantić, potpredsjednik Privredne/Gospodarske komore FBiH, pri tom osvrćući se na stanje i perspektive drvnog sektora u FBiH i BiH. Konferenciji će prisustvovati i predstavnici kompanija koje se bave preradom drveta i namještaja, predstavnici Drvnog Klastera Hercegovina i predstavnici ŠGD Hercegbosanske šume.

To su četiri tematske povezane, ali programski odvojene međunarodne konferencije iz područja šumarstva, prerađivanja drveta, energije iz drveta, proizvodnje namještaja.

## Delegacija Ekonomskog i društvenog razvojnog fonda Libije posjetila P/G komoru Federacije BiH

Posredstvom Ministarstva inostranih poslova BiH, dana 06.12.2017.godine u P/G komori FBiH, upriličen je radni sastanak sa delegacijom Ekonomskog i društvenog razvojnog fonda Libije.

Nakon uvodnih riječi dobrodošlice predsjednika P/G komore FBiH Mirada Jašarspahića i predstavnika Energoinvesta Sarajevo, gosti su u toku jednosatnog sastanka prezentirali mogućnosti Fonda sa posebnim osvrtom na zajednička ulaganja sa bh partnerima u oblasti industrije, turizma, građevine kako u Bosni i Hercegovini tako i u Libiji.



## Održani bilateralni susreti bh i privrednika Trgovačke komore Kocaeli - Republika Trska



U organizaciji P/G komore Federacije BiH i Fondacije Bigmev, dana 23.11.2017. godine, u velikoj sali Komore, upriličeni su bilateralni susreti bh. firmi i predstavnika Trgovačke komore Kocaeli/Kodžaeli, Republika Turska.

Posjeta turskih privrednika ima za cilj imati uspostavljanje saradnje između turskih i bh. privrednika kao i razmatranje mogućnosti za ulaganje u BiH.

## Održan Info dan IKT sektora u organizaciji Privredne komore Federacije BiH

Slijedeći tradiciju razvijenih zemalja Komora je organizirala Info dan IKT sektora 06.04.2017.godine.

Privredna komora FBIH je 06.aprila organizovala Info dan sektora za informaciono komunikacijske tehnologije (IKT).

Info dan imao je za cilj predstaviti značajan potencijal kojim domaća softverska industrija raspolaže, iz perspektive mogućnosti ove industrije da kvalitetno odgovori na potrebe domaćeg tržišta, ali i potentnost i komparativne prednosti na potencijalnim, ali i aktuelnim tržištima regiona i svijeta. Nadalje, ukazati na mogućnost zapošljavanja velikog broja mladih i stručnih osoba u ovoj industriji, i kroz prezentacije pokazati perspektive koje se otvaraju pred ovim sektorom i firmi iz drugih branši-potencijalni

korisnici proizvoda i usluga, predstavnici ekonomskih odjela diplomatskih predstavništava u BiH, ministarstva privrede-predstavnici ministarstava.



## Održan Info dan Udruženja za turizam na Međunarodnom sajmu gospodarstva 2017.

U organizaciji Privredne/Gospodarske komore FBIH, na 20. Međunarodnom sajmu gospodarstva, 05.04.2017.godine održan je Info dan Udruženja za turizam koje posluje pri PGKFBIH.

Obzirom da je turizam u Bosni i Hercegovini jedna od brzo rastućih grana gospodarstva, a Bosna i Hercegovina kao turistička destinacija sve češće spominjana u svjetskim turističkim časopisima, i Privredna/gospodarska komora FBIH kroz različite aktivnosti nastoji dati svoj doprinos na jačanju i daljnjem razvoju ovog sektora u BiH.



## Info dani ljekovitog i aromatičnog bilja

Dana 04.07.2017 godine, u prepunoj dvorani Privredne/Gospodarske Komore FBiH u Mostaru, održani su info dani ljekovitog i aromatičnog bilja, uz nazočnost predstavnika znanstvenih i stručnih institucija, te gospodarstvenika.

U organizaciji P/GK FBiH, gost info dana bio je prof. Dr. Robert Pappas, doktor znanosti u oblasti kemije, redoviti prof. na Indiana University, specijaliziran za savjetovanje u proizvodnji i kontroli kvalitete eteričnih ulja, kozmetike, parfumerijskih proizvoda, aromaterapije, farmaceutskih proizvoda, te osnivač Essential oil University, koji sadrži najveću online bazu podataka o eteričnim uljima, tisuće GS/MS analiza gotovo svih eteričnih ulja u čijem je

sastavu i jedan od najvećih laboratorija za kemijsku analizu eteričnih ulja u SAD-u, koji je imao i edukacijsko predavanje na temu.





## Info dana tekstilne i kožarsko-prerađivačke industrije



Kroz zanimljiv programski sadržaj gostima i učesnicima prezentirano je stanje sektora kao i tok realizacije Strategije razvoja ovog sektora. Kako je uspjeh svake industrijske grane ovisan o kvalitetnom proizvodu koji je potrebno osigurati tokom cijelog proizvodnog procesa, stručno predavanje na tu temu održao je doc.dr. Samir Pačavar, voditelj smjera tekstilnog inženjstva i dizajna Fakulteta za tehničke studije. Generalni direktor renomiranog proizvođača šivaćih strojeva JUKI Central Europe, gosp. Masanori Awasaki, kao partner ove manifestacije, prezentirao je nove tehnologije i inovativna rješenja u procesima proizvodnje koje nudi ova kompanija.

## Održan Info Dan metalaca 2017.

U skladu sa Zaključcima prošlogodišnjeg Info dana metalaca, da susreti metalaca prerastu u tradicionalne susrete privrednika iz oblasti metalske industrije, u organizaciji Privredne/Gospodarske komore F BiH je 14.11.2017.godine održan Info Dan metalaca.



U okviru Info dana metalaca pripremljen je cjednevni sadržajan program, kojom su između ostalog, održane prezentacije metalnog sektora, namjenske i automobilске industrije.

U uvodnom dijelu, mnogobrojnim privrednicima, predstavnicima institucija u F BiH, predstavnicima diplomatskih predstavništava, nevladinog sektora u BiH i dr. obratio se i premijer Vlade F BiH gosp. Fadil Novalić.

Obraćajući se prisutnima premijer Novalić je istakao da je danas metalska industrija jedan od najvažnijih sektora privrede zbog tradicionalnog naslijeđa i resursa koje posjedujemo, te da su glavni stubovi na kojima počiva njeno dugogodišnje liderstvo proizvodnja metala, te automobilska i namjenska industrija.



## U P/G KFBiH održan Info dan Halal industrije



U okviru Info dana Halal industrije održan je cjelodnevni sadržajan program, koji je započeo u prijedopodnevni satima, održavanjem Sjednice Upravnog odbora Udruženja Halal industrije P/G komore Federacije BiH.

U prisustvu predstavnika firmi Bimal Brčko, Bigo Tuzla, Klas Sarajevo, Vispak Visoko, Ledo Čitluk, Drampek Tuzla, Poljorada Travnik, BBI Banka Sarajevo, GHB invest SAHAF Sarajevo, Agencije za certificiranje Halal kvalitete IZ BiH, te Ministarstva inostranih poslova BiH, Ambasada Saudijske Arabije i Turske, održane su prezentacije dvogodišnjih aktivnosti Udruženja Halal industrije kao i prezentacija Agencije za halal certificiranje IZ o cijelokupnoj halal industriji u BiH.

## Održan II poslovni forum Privredne/Gospodarske komore F BiH

Dana 12.12.2017. godine u Sarajevu održan je II poslovni forum Privredne/Gospodarske komore Federacije Bosne i Hercegovine, koji je ove godine realiziran pod pokroviteljstvom premijera Vlade FBiH gosp. Fadila Novalića.



II poslovni forum bio je posvećen sljedećim aktuelnim temama:

modelu javno-privatnog partnerstva kao načinu pokretanja investicijskih projekata, te tematici usklađivanja obrazovnog sistema sa potrebama tržišta rada i sprečavanja odliva kadrova.

Poslovni forum otvorio je premijer Novalić, iz čijeg uvodnog izlaganja izdajavamo ostvrt da je zbog rasta BDP-a, povećanja zaposlenosti i pokrivenosti uvoza izvozom, sada pravi trenutak da se intenziviraju zakonska rješenja, mogućnosti i volja da se radi na javno-privatnim partnerstvima.

Premijer je prisutnima potom predstavio 100 prioritarnih projekata Vlade FBiH, čija ukupna vrijednost iznosi više od 20 milijardi KM. Prioritetni projekti podijeljeni su u 5 sektora: energetika, industrija, poljoprivreda, transport, te turizam i zaštita čovjekove sredine, a za svaki projekat urađen je profil kako bi mogli biti prezentovani zainteresiranim investitorima. Premijer Novalić istakao

je kako se radi na intenzivnoj ciljanoj promociji ovih projekata, po principu direktne promocije potencijalnim investitorima. Kao primjer izdvojio je izgradnju dionice željezničke pruge Vareš – Banovići, čijom bi se izgradnjom za minimalno 130 km skratila sadašnja trasa Luka Ploče – Luka Brčko, odnosno Sarajevo – Tuzla.

Prva panel diskusija u sklopu Foruma bila je također posvećena javno-privatnom partnerstvu i primjeni, odnosno nedostatku značajnije primjene ovog modela u BiH. Panel je moderirala gđa Aida Soko, savjetnica premijera FBiH.

U sklopu drugog panela bilo je riječi o tome kako prilagoditi obrazovni sistem potrebama tržišta rada i spriječiti odliv kadrova u druge zemlje.

Na kraju Foruma utvrđeni su zaključci u kojima je naglašeno da se JPP u F BiH treba u što skorije vrijeme definisati kroz odgovarajući okvir i promovirati na način kojim će se obezbijediti povjerenje i javnog i privatnog sektora u ovaj institut. Također je podvučeno kako su neophodne urgente mjere na sprečavanju odliva kadrova, kao i strategije kojim bi se kontinuirano usklađivala ponuda obrazovnog sistema sa potrebama tržišta rada.



## Zlatan Vujanović, ministar trgovine u Vladi F BiH



Prvo izdanje časopisa Glasnik u novoj godini već tradicionalno pripada retrospektivi najznačajnijih aktivnosti Komore u protekloj poslovnoj godini.

Pored Komorskih aktivnosti, nastojimo izdvojiti osobe i institucije koje su po našoj skromnoj ocjeni, kao i mišljenju naših članica u protekloj godini dale određeni pečat. Opredjeljujući se za zvaničnika ili instituciju kojeg želimo predstaviti u ovom broju e-Glasnik Redakcijski kolegij je bio jednoglasan.

*Zlatan Vujanović,  
ministar Federalnog ministarstva trgovine*

Kada je prije nešto više od dvije godine imenovan za ministra trgovine u Vladi F BiH, g. Zlatan Vujanović nije bio toliko poznato lice na domaćoj političkoj pozornici. Za relativno kratko vrijeme, ministar Vujanović je izgradio prepoznatljiv rejting kao jedan od rijetkih zvaničnika u Vladi FBiH uvijek spreman na razgovor, pronalaženje rješenja, traženje kompromisa, a ministarstvo na čijem je čelu, otvoreno za privrednike.

Gospodine ministre, zahvaljujemo se na izdvojenom vremenu za ovaj razgovor.

Glasnik Privredne/Gospodarske komore F BiH je časopis privredne tematike, namijenjen prvenstveno našim privrednicima i poslovnim partnerima Komore, tako da razgovor o aktuelnim temama sa Vama je sigurno na pravom mjestu.

*Za početak ovog razgovora, gospodine ministre: Sjedište vašeg ministarstva je u Mostaru, rođeni ste Travničanin, rado ste viđeni i na formalnim i neformalnim sastancima, jako se dobro snalazite na izuzetno važnoj poziciji, stižete odazvati se na sve pozive. Kako se snalazite u vrlo intenzivnom "ritmu" obaveza?*

Zaista biti član Vlade Federacije Bosne i Hercegovine i resorni ministar trgovine nosi sa sobom kako odgovornost, tako i obaveze. S druge strane, predstavlja mi zadovoljstvo da znanjem i predanošću maksimalno doprinosim

radu Vlade FBiH na rješavanju nagomilanih ekonomskih i opštedruštvenih problema.

Takav moj angažman neizostavno zahtijeva i cjelodnevne aktivnosti koje se sastoje od upravljanja ministarstvom, kontaktima sa dužnosnicima različitih nivoa vlasti, zatim privrednicima, predstavnicima različitih interesnih organizacija (sindikata, udruženja, komora), kao i kontinuiranu komunikaciju sa medijima i nastupe u javnosti.

Pored navedenog sam i predsjednik Savjeta za strane investitore Federacije BiH, interresornog vladinog tijela, koje ima izuzetno važan zadatak da pridonese stvaranju uslova investicijskog razvoja u Federaciji BiH.

Sve to zahtijeva brižljivo planiranje aktivnosti i upravljanje vremenom.

*2. U Reformskoj agendi predviđeno je donošenje zakona iz oblasti trgovine, najavljena je uslovno rečeno transformacija, pored ostalog, usvojene su izmjene i dopune Zakona o unutarnjoj trgovini. Da li ste zadovoljni općenito posmatrano, do sada urađenim?*

Prije svega moram istaći da se izmjenama i dopunama Zakona o unutarnjoj trgovini pristupilo zbog potrebe za ukidanjem zakonskih ograničenja za potpunu liberalizaciju trgovine i slobodnu konkurenciju, što je obaveza Bosne i Hercegovine iz SSP-a kao i jedan od uslova za pristup Bosne i Hercegovine u Svjetsku trgovinsku organizaciju (WTO).

Poznato vam je da je u Zakonu postojala odredba o obaveznoj zastupljenosti domaćih proizvoda u velikim trgovačkim objektima, koja je od strane međunarodnih partnera BiH ocijenjena kao trgovinska barijera, te je brisanjem ove odredbe otklonjena posljednja normativna prepreka za pristupanje BiH u WTO. Imajući u vidu koristi i mogućnosti koje članstvo Bosne i Hercegovine u WTO donosi našim privrednicima, zadovoljan sam postignutim.

*3. Kod usvajanja upravo Zakona o izmjenama i dopunama Zakona o unutrašnjoj trgovini, mnoge je iznenadilo vaš postupak. Naime, na svim javnim raspravama učestvovali ste zajedno sa svojim saradnicima, ustvari predsjedavali ste ovim skupovima. Svi oni koji godinama sudjeluju u javnim raspravama nisu često u prilici vidjeti jednog ministra da vodi otvorenu javnu raspravu sa privrednicima, predstavnicima općina, inspeksijskih struktura. Dobili ste zaista velike pohvale. Zamolit ću vas za kratak komentar.*

Biti ministar i član vlade je između ostalog razumijevanje potreba s jedne strane za transparentnim radom, a s druge strane i odgovor na zahtjeve javnosti da se oni koji obavljaju najviše javne funkcije neposredno približe toj

opštoj javnosti i iz prve ruke predstave planove i tekuće aktivnosti koje ministarstvo, odnosno organi vlasti konkretno poduzimaju za boljitak građana i poslovne zajednice.

Nedostatak takve komunikacije stvara jaz između vlasti i građana, a što u konačnici kreira obostrano nepovjerenje i to zaista ne pripada demokratskom društvenom kontekstu.

Smatram da je zadatak svih nas koji obavljamo javne funkcije da imamo kontinuitet komunikacije sa građanima, poslovnom i akademskom zajednicom i nevladinim sketorom, odnosno da na adekvatan način pojašnjavamo naše stavove i postupke, kao i da čujemo njihov glas i probleme sa kojima se susreću.

Ovo shvatam zaista ozbiljno i nastojim biti odgovoran i na raspolaganju poslovnoj zajednici, medijima i široj javnosti.

**4. Kada govorimo praktično o novom Zakonu o unutarnjoj trgovini da li se već sada može govoriti o pozitivnim efektima njegove primjene, u prvom redu na suzbijanju kako se često puta ističe tzv. Sive zone?**

Ne bih se složio sa konstatacijom da se radi o praktično novom Zakonu, jer je većina odredbi Zakona ostala neizmijenjena. Značajna dopuna ovog Zakona odnosi se na definisanje statusa trgovca pojedinca, kao nove kategorije trgovca koji ličnim radom obavlja trgovinu na malo i to samo na jednom prodajnom mjestu izvan prodavnice, kao i obaveza organizatora pijace na malo da prodajna mjesta može iznajmljivati samo registrovanim trgovcima, poljoprivrednim proizvođačima i obrtnicima kada prodaju svoje proizvode na pijaci.

Usvajanjem ovih izmjena Zakona stvorene su zakonske pretpostavke za registraciju i legalizacije rada pod povoljnim uslovima velikog broja lica, koja su do sada radila bez ikakvog odobrenja, "na crno". Iako je rano govoriti o efektima primjene Zakona, primjetno je da su ove izmjenе izazvale veliku pažnju javnosti, prije svega lica koja se bave prodajom na pijacama. Prema informacijama koje dobivamo iz kantona i općina postoji veliki interes za registraciju, a koliko se ljudi registrovalo znat ćemo po prikupljanju podataka iz općina. Bitno je istaći da se provođenjem ovog Zakona i kontrolom inspeksijskih organa nad njegovim provođenjem, tj. onemogućavanjem pojedincima da rade "na crno" na pijacama postiže i cilj za smanjenjem "sive zone" u oblasti trgovine.

**5. Zašto u posljednje vrijeme, posebno u proceduri usaglašavanja zakona, pa i u fazi njegovog donošenja sve više čujemo da su privrednici protiv pojedinih zakonskih rješenja?**

Kao što znate ova Vlada pokrenula je veoma ambiciozne programe socijalnih i ekonomskih reformi sadržanih u Reformskoj agendi. Tim dokumentom Vlada se obavezala i najavila da će između ostalog kreirati povoljnije normativno i funkcionalno okruženje za poslovanje privred-

nih subjekata, što je i primarni cilj ekonomskog razvoja. Međutim, na tom putu nužna su i određena odricanja, odnosno shvatanje da nije moguće uspješno provesti reforme bez provođenja nepopularnih mjera koje pogađaju određene interese ili grupe, ali koje u konačnici vode efikasnijem privređivanju.

Kao što znate ključni institucionalni okvir komunikacije sa zainteresiranim stranama je Ekonomsko-socijalno vijeće, koje čine tri socijalna partnera: Vlada, poslodavci i sindikat, pri čemu svaka od strana kroz socijalni dijalog nastoji da maksimalno zadovolji svoj interes, posebno kod donošenja bitnih zakona koji se tiču poslovnog sektora, ali i radnika.

U svakom slučaju predstavnici Vlade nastoje izbalansirati suprostavljene interese i postići sporazum u tom tripartitnom odnosu, kako bi potrebni zakoni dobili puni legitimitet i bili usvojeni u Parlamentu Federacije BiH.

Taj proces je veoma složen i ima svoju dinamiku razvoja, jer se ništa ne može riješiti preko noći.

**6. Nadležnosti vašeg ministarstva su zaista široke. Ranije spomenuta Reformska agenda je predviđjela još puno posla. Koji su planovi vašeg ministarstva u narednom periodu ?**

Federalno ministarstvo trgovine u skladu sa zakonskim nadležnostima obavlja prvenstveno poslove koji se odnose na trgovinu, funkcionisanje jedinstvenog tržišta, uticaj privrednog sistema i ekonomske politike na tržište roba i usluga, odnose ponude i potražnje, cijene roba i usluga, zaštitu potrošača, kao i druge poslove utvrđene zakonom.

Prema tome ministarstvo utvrđuje politike, predlaže zakone i donosi podzakonske akte i vrši upravni nadzor nad provedbom materijanih zakona iz nadležnosti ministarstva.

U kontekstu navedenog u 2018. godini planirana je izrada 3 značajna zakona i to: Zakona o slobodnim zonama u Federaciji BiH, Zakona o posredovanju u prometu nekretnina u Federaciji BiH i Zakona o elektronskoj trgovini u Federaciji BiH. Evo i argumentacije za potrebu normativnog uređenja navedenih oblasti. Elektronska trgovina danas nesumnjivo predstavlja jedan od najsavremenijih načina vršenja poslovnih aktivnosti i obuhvata sve segmente društvenog života. Kod elektronske trgovine, kao i kod svih ostalih oblika prodaje na daljinu, sklapanje ugovora o kupoprodaji između trgovaca i potrošača odvija se bez fizičkog kontakta, korištenjem jednog ili više sredstava daljinske komunikacije npr. putem Interneta. Donošenjem i primjenom Zakona o elektronskoj trgovini u Federaciji BiH stvorit će se pravni osnov za izjednačavanje elektronskih oblika poslovanja sa klasičnim neposrednim oblikom, trgovina će u tom segmentu biti prilagođena novim uslovima na tržištu kao i praktično zemalja s razvijenom ekonomijom, a što će pozitivno

utjecati na suzbijanje nelojalne konkurencije i smanjenje neregistrovanog poslovanja, što je jedan od prioritarnih zadataka.

Što se tiče potrebe za normativnim uređenjem oblasti posredovanja u prometu nekretnina u Federaciji BiH ističem da je upravo na inicijativu Privredne/Gospodarke komore Federacije BiH Ministarstvo planiralo njegovu izradu u ovoj godini, jer stanje u ovoj oblasti do sada nije bilo normativno uređeno.

Novim zakonom o slobodnim zonama u Federaciji BiH izvršiti će se zakonska obaveza usklađivanja predmetnog zakonom sa Zakonom o slobodnim zonama na državnom nivou.

Pored navedenih zakonskih rješenja planirana je izrada izmjena i dopuna podzakonskih akata vezanih za pojedine materijalne propise u nadležnosti ovog ministarstva. Zaista, radi se o složenim zadacima, ali Ministarstvo raspolaže sa kvalitetnim kadrom koji mogu odgovoriti naj-složenijim zadacima postavljenim pred ovo ministarstvo.

*7.Svi govore o mjerama koje vode ka rasterećenju privrede. Rasterećenje ne znači u svakom slučaju rasterećenje u finansijskom smislu. Za privrednike je četo puta bitnije imati provodive i jednostavne zakone i podzakonske akte, u prvom redu Pravilnike. Molim vas za vaše mišljenje.*

Kao što kažete svi govore o opterećenju privrede, a o tome su sigurno najpozvaniji i najmjerodavniji da govore sami privrednici. Upravo stoga moje Ministarstvo nastoji uključiti sve zainteresovane strane u koncipiranju normativnih akata od njihove inicijalne faze pa sve do finalne verzije. Za ilustraciju primjera takve metodologije rada iz 2017. godine su izrade Zakona o izmjenama i dopunama Zakona o unutrašnjoj trgovini i Pravilnika o obliku, sadržaju i načinu vođenja trgovačke knjige, gdje smo maksimalno uvažili stavove najvažnijih aktera poslovne zajednice čije poslovanje je regulisano predmetnim propisima.

*8.G. ministre Vaše ministarstvo sa Privrednom/Gospodarskom komorom F BiH ima dobru saradnju. Smatrate li da su kapaciteti i zakonske nadležnosti Komore iskorištene u punom kapacitetu?*

Ministarstvo kojim rukovodim ima odličnu saradnju sa Privrednom/Gospodarskom komorom Federacije BiH. U prilog tome ide i činjenica da je Ministarstvo u mom mandatu održalo niz veoma uspješnih aktivnosti u partnerstvu sa Privrednom/Gospodarskom komorom Federacije BiH, kao što su javne rasprave i radionice i okrugli stolovi na teme iz nadležnosti Ministarstva. Posebno nam je značajan doprinos Komore u sferi podnošenja prijedloga i inicijativa za normativno uređenje određenih oblasti.

Svakako da je pitanje pune iskorištenosti kapaciteta Komore povezano sa njenom zakonskom nadležnošću i funkcionalnošću koja u konačnici rezultira zadovolj-

stvom njenog članstva i odgovor na to pitanje se dakle adresira na članstvo Komore.

Uloga Federalnog ministarstva trgovine u tom kontekstu je da razmotri svaku zakonsku inicijativu koja može rezultirati poboljšanjem funkcionalnosti komorskog sistema u Federaciji BiH, a što podrazumijeva uključivanje članstva Komore i šire javnosti u te procese.

*9.Tradicionalna javna ovlaštenja koja pripadaju komorskom sistemu sve se manje daju Komori. Komora po svojoj prirodi i u tehničkom i uorganizacionom smislu treba i mora biti mjesto gdje će firme ostvarivati svoje interese upravo kroz pružanje usluga iz okvira javnih ovlasti. Po vašem mišljenju da li je realno uskoro očekivati da se ova nezvanična praksa promijeni i da Komora u svom punom kapacitetu bude produžena ruka Vladi i njenim ministarstvima ?*

Privredna/Gospodarska komora Federacije BiH kao respektabilna asocijacija u svakom slučaju može i treba biti produžena ruka kako svih ministarstava u Vladi Federacije BiH tako i privrednika čije interese prvenstveno i zastupa.


*10.Gospodine ministre, uvjeti privređivanja u FBiH i BiH su izuzetno složeni. Da li je realno očekivati da će se do kraja perioda za implementaciju Reformske agende ipak situacija na određeni način "relaksirati i harmonizirati" u korist privrede?*



Da, zaista ste u pravu sa konstatacijom da su uslovi privređivanja u FBiH i BiH veoma složeni.

Upravo zbog toga je Vlada FBiH analizirala stanje i detektirale sve probleme i sačinjen je i usvojen Akcioni plan za provedbu Reformske agende. U mandatnom periodu ove Vlade FBiH donesen je značajan broj predviđenih reformskih zakona, poput Zakona o radu, Zakona o PIO/MIO, itd. Također, u postupku usvajanja su i drugi zakoni čije usvajanje je realno očekivati u ovoj godini, a koji će zaokružiti realizaciju najvećeg broja mjera planiranih u Reformskoj agendi.

Razgovarala: Amela Kečo




# Privredna / Gospodarska Komora Federacije Bosne i Hercegovine

Chamber of Economy of the Federation of Bosnia and Herzegovina

Sarajevo, 2,0°C

Mostar, 2,4°C

home | kontakt informacije | English



- O NAMA
- REGISTRI
- SEKTORI / CENTRI
- UDRUŽENJA / UDRUGE
- KOMORSKA MREŽA
- ZAKONSKA REGULATIVA
- GLASNIK I PUBLIKACIJE
- BUDITE DIO KOMORE

FIT Future Industrial Technologies Fair

Will be held on 22 - 25 February 2018 at fuzarznik.

Poziv privrednicima za iskazivanje interesa za učešće na Međunarodnom sajmu "F.I.T. FUTURE INDUSTRIAL"

## Aktuelnosti iz Komore

07.02.2018. > Potpisan Sporazum o saradnji između SERDA-e i Privredne komore FBiH

07.02.2018. > Održan sastanak sa federalnom ministricom obrazovanja i nauke Elvirom Dilberović

06.02.2018. > Gospodarsku suradnju BiH i Srbije ojačat će partnerstvo na 21. Mostarskom sajmu

02.02.2018. > I. SVEUČILIŠNI GOSPODARSKI FORUM - Mogućnosti i perspektive boljeg povezivanja i

## Najave događaja

05.02.2018. > Radionica "Uvod u svijet visoke gastronomije"

30.11.2017. > Poziv na prezentaciju programa "Razvoj radne snage i veći pristup tržištima" - WHAM

15.11.2017. > POZIV PRIVREDNICIMA NA BILATERALNE SASTANKE SA PRIVREDNOM DELEGACIJOM

09.11.2017. > Poziv na Info dan metalaca 2017.

08.11.2017. > Poziv za Javnu raspravu

## Izdajavamo



06.02.2018. > Jedinствен pristup informacijama za klijente NLB Banke a.d. Banja Luka i NLB Banke d.d.

05.02.2018. > Javni poziv za podnošenje ponuda za kupnju nekretnina u vlasništvu RH 1/18

01.02.2018. > U BiH više od 80% vozila starije od 10 godina

22.01.2018. > Prevent preuzeo njemačkog proizvođača autodijelova "Neue Halberg-Guss"

## Sajamske aktivnosti



Najava sajmova u Bosni i Hercegovini, regiji, EU i svijetu

26.01.2018. > Poziv privrednicima za iskazivanje interesa za učešće na Međunarodnom sajmu "F.I.T. FUTURE

18.01.2018. > POZIV ČLANICAMA PRIVREDNE/GOSPODARSKE KOMORE ZA IZLAGANJE NA

05.01.2018. > Najava sajma ENERGA 2018

04.12.2017. > IIRRI KPMG IZDAJE

## Edukacija, seminari, certificiranje...



15.01.2018. > Novi ciklus usavršavanja članova NO i uprava u Sarajevu

22.12.2017. > JAVNI POZIV za dostavljanje prijava za usavršavanje kandidata za članove nadzornih

14.12.2017. > Poziv za prijavu na Cochran Fellowship Program 2018- stručna obuka u Sjedinjenim

13.12.2017. > Informacija privrednicima - Internacionalni Univerzitet u Sarajevu i IUS Life

## Putevi prema EU



Novosti i informacije o procesu pridruživanja Evropskoj uniji.

Imate pravo da znate kako se odvija proces evropskih integracija u BiH

Uspostava sistema obučavanja iz područja evropskih integracija



Naučno-stručni časopis Sui Generis

Brošura: Programi EU 2014-2020

Pojmovnik evropskih integracija

## ČLANICE P/G KOMORE FBiH

Članstvo u P/G Komori FBiH nije obavezno, ipak značajan broj velikih, srednjih i malih proizvođača prepoznao je vrijednost naše organizacije. Saznajte šta dobijate članstvom!



www.kfbih.com